



KOVID-19 Imejensi Benefit blong man we i gat temporari visa

17 Febwari 2021

Sapos yu gat wan temporari visa, be laef i had from yu nogat mane, mo yu no save go bak hom long Vanuatu from KOVID-19, mifala save helpem yu. Wan Imejensi Benefit i save helpem yu blong pem ol samting yu nidim evri dei, taem yu stap stretem rod blong yu go bak hom long Vanuatu long eni janis we yu gat.

Imejensi Benefit hem i blong olgeta we oli gat stret temporari visa kasem 31 Okis 2021.

Sapos yu gat wan sponsa visa we i no ekspaea, o yu jus blong stap bak long Niu Silan, yu nogat raet blong aplae from Imejensi Benefit.

Hu i save kasem help

Yu save kasem Imejensi Benefit sapos yu:

- stap long problem wetem mane mo i nogat narafala wei blong kasem sapot (be yu gat mane blong pem rod blong yu go bak long Vanuatu), mo
- wan long tufala ia
 - yu no save go bak hom from ol KOVID-19 ristriksen blong travel, o
 - yu stap stretem rod blong yu blong go bak long Vanuatu (olsem, yu bukim flaet mo yu stap weit long wan deit), o yu gat wan wei blong sapotem yu wan blong wan sot taem (olsem, yu gat wan wok we bae yu statem ino long taem)
 - yu no save travel go hom naoia from wan gudfala risen (olsem, yu gat wan strong siknes o kasem wan kil) be bae yu go wantaem taem yu kam gud.

- yu gat wan temporari Niu Silan visa we i no ekspaea yet be i no sponsa, olsem, visita visa, studen visa, wok visa o intarim visa
- yu gat wan Niu Silan bang kaon
- yu gat wan Inlan Revenu (IRD) namba (yu save kasem wan afta we oli apruvum benefit blong yu)
- yu gat wan paspot.

Yu mas traem best blong yu blong faenem narafala wei blong kasem sapot, olsem:

- faenem wok
- tekem fes plen blong go bak hom
- karem sapot i kam long Embasi, Hae Komisen o Konsulet
- seving (mane) long bang
- sapot i kam long famle, ol fren, jyoj grup o ples blong skul (long Niu Silan o ovasi).

Bae i dipen tu long inkam mo ol samting blong yu we yu pem finis o aset.

Wanem yu save karem

Imejensi Benefit oli givim sapos yu kwalifae long hem kasem 32 Okis 2021. Hamas yu kasem i dipen long situesen blong yu.

Situesen blong yu	Hamas yu save karem
Yu wan, yia blong yu 16-24 yia	\$219.70 long wan wik
Yu wan, yia blong yu 25+ yia	\$258.50 long wan wik
Yu gat patna mo pikinini	\$441.30 long wan wik
Yu wan nomo wetem pikinini blong yu	\$386.78 long wan wik

Olsem wanem blong aplae

Yu save aplae stat naoia go kasem 31 Okis 2021.

Long KOVID-10 Alet Level 1: Yu mas go long wan *Work and Income* sevis senta blong kasem wan apoenmen we yu toktok fes-tu-fes. Yu no save aplae onlaen o long telefon.

Long KOVID-19 Alet Level 2, 3 o 4: Yu save ring long 0800 559 009 blong bukim wan kol-bak (bae oli ringim yu bak),

Bae yu mas:

- fulumap wan aplikesen fom
- soem ol dokumen o pepa blong yu mo visa
- toktok wetem kes maneja abaot aplikesen blong yu.

Yu (mo patna blong yu, sapos yu gat wan) mas soem ol dokumen ia:

- paspot we i no ekspaea
- wan nara ID, olsem:
 - draeva laesens
 - telefon o bil blong laet we nem blong yu i stap long hem
 - mared o bet setifiket
- visa we i no ekspaea
- bang stetmen we i soem infomesen blong kaon blong yu long wan Niu Silan bang.
- Inlan Revenu namba (sapos yu nogat hemia yet, yu save givim long mifala insaed long 10 dei afta yu aplae from Imejensi Benefit)
- paspot o bet setifiket blong ol pikinini we oli dipen long yu, we yu lukaotem mo sapos oli stap wetem yu.

Pruf blong visa blong yu: Hemia hem i wan leta blong apruval blong visa we i kam long Imigresen NZ, we i soem infomesen abaot visa blong yu. Sapos yu nogat visa pepa wetem yu, yu save soem visa infomesen blong yu onlaen wetem kompiuta blong *Immigration NZ Visa Verification Service*. Blong mekem hemia yu mas gat wan onlaen *RealMe* -kaon [bifo](#) yu visitim *Work and Income*. Yu sud krietem RealMe kaon ia tru long Imigresen NZ websaet:

www.immigration.govt.nz/about-us/our-online-systems/visa-verification-service/about

Pruf blong ol samting we yu pem o aset long Niu Silan mo ovasi: oli save askem yu blong soem pruf blong ol samting we yu pem. Kes maneja bae i letem yu save hemia.

Wanem bae i hapen

Sapos aplikesen blong yu i apruv, bae mifala pem Imejensi Benefit i go daerakt long Niu Silan bang kaon blong yu.

Kontak blong karem moa infomesen

Lukluk long *Work and Income* websaet www.workandincome.govt.nz/temporaryvisa.

Visitim wan *Work and Income* sevis senta long Ministri blong Sosol Dvelopmen Ofis long eria blong yu. Faenem ofis klosap long yu:

www.workandincome.govt.nz/about-work-and-income/contact-us/find-a-service-centre